

AUSENZIAS (Alcoleya/Alcolea)

tomban as oras ista tarde á ritmo d'adaggio maestoso e yo me deixo amorosiar per cada minuto que feito musica imple de calma o cuarto an que duermen libros cuadernos moros de fa més de zinco sieglos e pensamientos que como flocos de nieu refrescan e me se portan ta un mundo an que sinse parolas que lo definisen tenebe a zertanidat de que te querebe

me meto ta una cheografía encletada entre as ripas e a zinca que d'agüerro uloraba à codoño e á boira preta e siento un tormo de chelo n'o peito en tiempos de fuñir-se cuan a tuya imachen de nino de tufa roya me se presenta igual como cuan n'a escuela me te mirabe de bislai e sentibe a gola de tocar-te entre que me punchaba n'o sexo cualcosa que no conoixebe

aturo e torno t'o presén fincada n'a sangre a ulor a figueras n'os odius a remor ixordadera d'o salto e n'os uellos o volito d'as zigüeñas

...

estoi que tota la vida ha estau un suenio d'ausenzias sinse que yo lo sabese

Almería, 12 d'agosto de 2019, 19:30 oras. Ánchel Conte

Foto: Alcoleya de Zinca: O Salto (13/6/2014)

.....

pasan las horas esta tarde a ritmo de adaggio maestoso y yo me deixo acariciar por cada minuto que hecho música llena de calma el cuarto donde duermen libros cuadernos moros de hace más de cinco siglos y pensamientos que como copos de nieve refrescan y se me llevan a un mundo en el que sin palabras que lo definiesen tenía la certeza de que te quería

me meto en una geografía encerrada entre las ripas y el cinca que en otoño olía a membrillo y a niebla espesa y siento un terrón de hielo en el pecho a punto de fundirse cuando tu imagen de niño de flequillo rubio se me presenta igual como cuando en la escuela te miraba de reojo y sentía un imperioso deseo de tocarte al tiempo que me pinchaba en el sexo algo que no conocía

me detengo y regreso al presente clavado en la sangre el olor a higueras en los oídos el rumor ensordecedor del salto y en los ojos el vuelo de las cigüeñas

...

creo que toda la vida ha sido un sueño de ausencias sin que yo lo supiese

